

二十五史補編

三



國

志

補編

北京圖書館出版社

國

志

樓

編

二十五史補編

三國志

補編

北京圖書館出版社



圖書在版編目 (C I P) 數據

三國志補編 / 《二十五史補編》編委會編 —北京: 北京圖書館出版社, 2005. 2

ISBN 7-5013-2734-3

I. 三... II. 二... III. 中國—古代史—三國時代—紀傳體
IV. K236.042

中國版本圖書館 C I P 數據核字 (2005) 第 001966 號

責任編輯: 于 浩

封面設計: 姜尋工作室

ISBN 7-5013-2734-3



9 787501 327348 >

書名 三國志補編

(據開明書店版影印)

著者 《二十五史補編》編委會 編

出版 北京圖書館出版社 (100034 北京市西城區文津街 7 號)

發行 (010)66139745, 66175620, 66126153

66174391(傳真), 66126156 (郵購)

E-mail Btsfxb@nlc.gov.cn

Website www.nlcpress.com

經銷 新華書店

印刷 三河弘翰印務有限公司

開本 850 × 1168 毫米 1/16

印張 45.875

印數 500

版次 2005 年 2 月第 1 版 2005 年 2 月第 1 次印刷

書號 ISBN 7-5013-2734-3/K · 1068

定價 150 圓

序

「吾華有五千年之歷史」此國人常作之自豪語也。問以史何在，必將曰：二十四史不充棟乎？增以新元史爲二十五，不尤富乎？然史之可貴，匪特在其卷帙之繁重，敘述之詳明，裁斷之有制，又當字字有來歷，其所根據之原料可得而勘證，示人以必信焉。自趙宋而下，修史時所根據者，今雖不可盡見，而政府公文，地方志乘，私家著述，存留者並多，猶得藉是以審察其然否。若上溯唐、五代之前，刻版未興，直接史料亡失垂盡，固亦有劫餘之金石遺文及故書雅記在，然而其物過於零星，未足以供系統之探討，言史事者惟有據十七史爲惟一之資源。所謂五千年之歷史，前四千年祇此而已，此無可奈何者也。

治中國史學者之不能捨棄歷代正史既如此，而正史中之表志，於典章之沿革，人事之變遷，各盡其貫穿綜合之任務，使讀者對於歷史現象有整個之認識，則更爲此資源中之真精實髓。原表志之體創於司馬遷，雖亦有所因，而與紀傳相輔以作全書之綱領，則其前未嘗有也。夫表之爲用，不僅旁行斜上，而在乎鉤玄提要，志之爲用，亦不惟整齊故事，而在乎原始要終。人事前後相循，不容隨朝代而割裂，故每代一史，本非其宜，然古今作史者，縱自以爲成一家之言，而在讀史者視之，則實爲綿延相承之作。鄭樵深譏斷代之史，因自作通志以變其體，然通志紀傳至今無讀之者，固由其材料不能出前人之外，亦以世人視各種斷代史之彙合，卽爲通史耳。若一史之中，表志有闕，則讀史者目之所觸，惟有林林總總之故事浮動於前，無由得其綱領，而前後相循之人事亦爲之斷而不續矣！

正史不皆有表志。二十五史中，表志齊備者，惟史記、稱書不稱志、漢書、新唐書、宋史、遼史、金史、元史、新元史、明史等九種；其有志而無表者，則有後漢書、晉書、宋書、南齊書、魏書、隋書、舊唐書、舊五代史、新五代史、稱考不稱志等九種。自餘三國志、梁書、陳書、北齊書、北周書、南史、北史等七種，則並表志而無之。此無表無志之七種，與有志無表之九種，其不能稱爲完善，自不待論，卽就其有表有志者觀之，作者之學識與其所取之材料，俱未嘗無瑕可指。故若曰「二十五史多缺憾」，此固平心之論，非吾輩之有意輕侮古人也。此種缺憾，古今學者感到者至多，爲欲彌縫之，是以相率起任補正與考釋之工作。凡前史有而後史無者，則補後史，若萬斯同、錢大昭、洪飴孫之補表是也；後史有而前史無者，則補前史，若錢文子、錢儀吉之補兵志是也。案兩錢氏補兵志固未能下接兩唐，然實用

後世史籍體例。至於會通前後，卓然自立，若梁玉繩之於古今人表，章宗源、姚振宗之於隋書經籍志，則志在治數代於一鑑，而不僅依傍一史。此融貫諸史事實，其可貴者一也。諸史表志之中，闕漏違迂，所在而有。闕漏則當補，違迂則當正。若吳卓信之於漢地理志，溫日鑑之於魏地形志，致力之深，凌駕前哲。此作古人之諍友，其可貴者二也。至於校正之事，爲術雖微，其效則顯，得是爬梳，書乃可讀，是亦有不廢之功矣。

正史之缺憾，賴古今學者之努力，受其彌縫者已不在少數，後人儘可利用已有之成績而作進一步之探求。但此已有之成績，將何從而求得之？憶十年前，顏剛好治目錄學，於各史藝文志之補證畢力搜尋，然而補晉志者，秦榮光、黃逢元二本未有聞也，文廷式之本則蘊之於心而未有見也。游浙江圖書館，見姚振宗諸稿，意戀戀而不能得也；悵惘盈懷，猶如昨日事。夫居於五都之市者，尙艱於彙合如此，況在僻壤，志學之士有不抱漏迂之書以終古者耶！蓋此諸作，作非一人，人非一地，地非一時，往往散見於叢書全集之中，非有力藏書者不易具備；其刊爲單行本者，則卷帙短薄，隨時有亡失之虞；至於孤留之稿本，則即在親戚姻婭間亦有不得覩者矣。以材料之不集中也，故讀史者欲覓其一種，恒東西尋索，空手而歸，謂非學術界之大憾事乎！

四十年前，張之洞總督兩粵，開廣雅書局於番禺，所刻書以史學著述爲最多，彼蓋有志繼阮元學海堂經解之業而爲是「史藏」者。其後離粵，未立總名，上海書肆集其史部而石印之，顏日史學叢書凡二集，爲其但供試場之用也，影縮過小，可檢而不可讀。顏剛幼時見之，詫爲奇觀，以爲清人考史之書網羅盡矣。稍長，好聚目錄，乃知此類書未刊者尙多。及遊學北平，往還之師友多治史者，益見珍祕之籍，而惜其不得彙合於一編。私計學海之後復有南菁，不審廣雅之作亦有嗣音者乎？顧瞻八表，實勞我心。今春過滬，於開明書店見二十五史補編之目，知舊友王伯祥先生鍾麒主持斯事，俾與縮本二十五史並行，以便讀史者之相互勘證，從此無患乎原書之闕漏，亦無惑乎原書之違迂，搜羅之博，遠軼廣雅，凡茲世所能致者幾於無不備焉，爲之喜而不寐。夫爲昔人著作謀盡其用，爲後來學術廣闢其門，使材料不集中之苦痛從而解除，此真無量之功德，所當爲史林永頌者已。

補編所採，原共一百七十餘種；其後邀約同好，四出訪求，竟得超過二百四十種。堅毅之忱，使人欽服。此二百餘種中，舊有刻本者凡一百八十餘種，稿本僅存者得六十餘種，萬斯同、汪士鐸諸家沈寘已久之書賴斯而顯現，洵可謂爲近年史學界中一絕大快

舉。夫使我輩眼福可誇耀於前人者，開明書店之力也！

此書之出，非書肆中有此一舉爲已足也，必將有以答對今昔諸賢爲學術工作之苦心，而後可以無愧。其道伊何不揣謙陋，約而陳之。昔之補表者多爲職官，補志者多爲地理、藝文，作者就材料之便，著此先鞭，分所應爾。然我輩生於今日，既有新問題，斯有新需要，於民族、社會、宗教諸端，俱當加意搜補，一也。有宋以還，治史者多殫心史、漢、表、志補正之作，遂以史、漢爲最富。此自個人工作言之，固爲美滿之成就，而自史界全體觀之，則頗違於詳近略遠之旨。此後要當留心近古諸史，毋使數十年後，書肆廣續編輯，仍有材料不平均之憾，二也。夫史料愈近愈豐，其於人事之關係亦愈近愈切，補編雖大抵以二十五史爲範圍，而我輩工作實不當以此自限。清史稿聞將解禁，其志如藝文、邦交、食貨之屬，在在皆可補訂。以今日去清之近，直接史料保存之多，采銅於山，固不容異世之學者強而任之耳。

或曰：洵爲采銅之說，則前人之業非矣，彼輩無新材料而惟於舊史之中抽取記錄者也。此增補之書雖累百千萬言，其材料曾不能越出舊史之外，夫安貴有此重牀疊屋之舉爲？答之曰：言不可以若是其幾！所貴乎學者，爲其能盡物之用也。司馬遷作八書十表，其見於紀傳之材料十五六，彼果何爲而爲此？亦曰藉表志之嚴整以濟紀傳之散亂，以盡史書之用而已。前不云乎，表志者紀傳之綱領，夫作綱領者豈必待新材料哉？慎擇之斯可矣。今人孰不知二十五史爲中國歷史事實之所薈萃，然能用之者有幾人？立一論題，查不知其材料所在，雖有其物，不能見也，是無綱領之害也。如是，則有史如無史，誠能整理舊材料，使物無遁形而人恣其用，爲益之大必不在發見新材料下。何況清人博雅之風自經被史，類能以新材料證故籍，故補百官表者有印章與封泥焉，補世系表者有碑辭與墓誌焉，何得云不越舊有史書地不愛寶，古物日出，我輩生於今日，惟有隨時增補之，使無一物失其所。前人之業，可修正而不可非也。

「中國通史」之呼聲，聞之彌久而其書至今不出，是非今日史家之咎，乃其憑藉之不厚有以致之。爲是業者若不於史實有深識達觀，於材料作廣搜博辨，則其書之成曾無以異於學校教科。我輩倘有志於是，必將對於二十五史與此補編思所以盡量使用之術，且汰之存之，使無一字之虛濫，而於向日被屏於歷史範圍以外之材料及地下新發得之材料則以新方法比次之，新眼光

判斷之，俾與舊有史書之汰存者融而爲一分途並進，鏗而不舍，數十年後必可爲中國史學放一異彩，通史之出現乃有期也。值此補編發行之日，喜基礎之已奠，敢操券而待之！

中華民國二十四年十二月十四日，顧頡剛書於北平。

凡例

- 一 本編所收，一以表志爲限。凡增補、注釋、考訂、校勘諸作，不問往哲遺籍，時賢近著，知見所及，靡不甄采。良以學貴博綜，無取專己；職在廣羅，弗嫌標榜也。
- 一 凡表志諸籍之頭迄分明，自成體系者，無論單行、叢刊，或一書之附錄，如玉海附刻之漢書藝文志考證，水經注圖附刻之漢志志疑，遼文存附刻之遼藝文志等，一律收采。其有附麗全帙，首尾難析者，如沈欽韓、周壽昌、王先謙諸家之於漢書等，雖各具表志之品目，實自爲專書之一部，勢難割裂，祇得舍施。
- 一 全書編次，悉依列史前後爲序，區分若干部。每一部分，先表後志，以類相從。著錄諸書，亦略詮作者時代之次，藉成條貫。其有專述偏方割據之政制更革及域外諸族之動態者，則別置各部之末，以清眉目；如練恕之之西秦百官表及沈維賢之兩漢匈奴表與晉五胡表等是。
- 一 本編序次既以列史各具統系爲準望，則分別部居，自宜體段分明，鮮涉牽掇。除徐文范之東晉南北朝輿地表及錢大昕之遼金元史朔閏考等無絲割截，祇得就其偏重之傾向，量爲配置外，他如萬斯同之歷代史表及謝鍾英之三國大事表等，胥依部類分隸，不相雜廁；仍於析出之主籍或先見者，備錄原刊序目，俾存厥初。間附小疏短說，以著更易之故。
- 一 所收諸籍中，其有全錄舊史原文而別綴論述或校記者，如汪越之讀史記十表等，則依夏燮之校漢書八表例，祇載綴語，刊去舊文。蓋二十五史全書具在，無煩纏出，徒占篇幅也。
- 一 本編輯集之初，除一部分稿本，縱橫鈎乙，不能影印外，餘擬悉用照相鉅版縮印。但細核各本，有板刻漫漶，模糊不清者，如章宗源之隋書經籍志考證、呂吳調陽之漢書地理志詳釋等，是有校刻欠精，紕繆待勘者；如包刻、吳卓信之漢書地理志補注等，是（號稱精善之汪遠孫、錢坫、全祖望諸本漢志，亦時有誤字。）有格式穴雜，字體過小，不合本編縮攝之標準者，如廣雅本東晉南北朝輿地表等，是有本爲鉛印石印不能再縮複製者，如顧懷三之補後漢書藝文志及丁錫田之後漢郡國令長考補等，是

甚有紙色過舊，黯淡不任照相者。既無他本可以抽代，自不能任其沿誤，終滋遺憾，因定一律改用排版。原本大字，用五號；細書，用六號。均直行，不夾注。植字既極疏朗，行款亦復畫一矣。其有徵引顯謬或漫患缺脫之處，亦得隨時發本勘補之。

一 版本之選擇：凡傳刻多者，取初刻本。刻本有異同或卷帙有多寡者，取善本或足本。其有後賢訂補之作，刊行時已包有先輩原著者如謝鍾英之於洪亮吉，楊守敬之於吳增僅等，則逕取後來之本，仍冠原著姓氏，庶篇幅約省，而淵源不昧。其刊本與稿本顯有異同者，則兩本參校不嫌複出，如萬斯同之南唐將相大臣年表等六種是。

一 表之爲用旁行斜上，利在經緯分明，縱橫可通。然亦有性質相同而體式不一者，有分別項目本無一定標準者，有因橫格太多分截轉行而反使系統惑亂者，亦有本無縱橫關係而漫爲填格者，殺雜紛錯，先後異轍。至於空格遼闊，浪費紙幅，抑又其次。因就有衡直關係之世系表，如周明泰之三國世系表等，有分合關係之輿地表，如吳增僅之三國郡縣表等，仍用原式。其他如本無縱橫分合關係之大事表、職官表及以封爵傳襲爲主之世表等，則悉依諸以敦熊氏後漢書年表校補之例，改用直行提書。其有旁行枝出之文，必注前後關連之迹，務使體系不亂，而經緯仍極分明。區區之意，覽者諒之。

一 校勘主旨，惟在求是。偶有不安，必資比對。異字歧義，擇善而從。其有必須說明者，亦別附校記或跋語於書後，藉示矜慎。但同人知能有限，闕失必多，何敢以掃葉自文。尙望方聞達人不吝教益，俾於鍾版時得以藉手更正，學術幸甚，同人幸甚。

目錄

《二十五史補編》刊行緣起	一	吳將相大臣年表 萬斯同	五三
序	一	三國志三公宰輔年表 黃大華	六三
凡例	一	三國志世系表 周明泰	六七
		三國志世系表補遺附訂譌 陶元珍	一四七
三國大事年表 萬斯同	一	三國職官表 洪飴孫	一五三
三國紀年表 周嘉猷	五	三國郡縣表附考證 吳增僅 楊守敬	二四三
三國大事表 謝鐘英	七	三國疆域表 謝鐘英	三九一
三國漢季方鎮年表 萬斯同	一五	補三國疆域志補注 洪亮吉 謝鐘英	四一九
三國諸王世表 萬斯同	二五	三國疆域志疑 謝鐘英	五八三
魏國將相大臣年表 萬斯同	二七	補三國藝文志 侯 康	五八七
魏將相大臣年表 萬斯同	二九	三國藝文志 姚振宗	六一一
魏方鎮年表 萬斯同	三九		
漢將相大臣年表 萬斯同	四七	《二十五史補編》總目	七二三

三國大事年表

清萬斯同撰

庚子 卽漢獻帝延康元年十一月禪位於魏

〔魏〕文帝黃初元年十一月庚午曹丕篡位於
繁陽

〔漢〕先是漢獻帝建安二十四年己亥秋劉備
自稱漢中王是歲爲漢中王二年

〔吳〕先是建安二十四年曹操表授孫權爲驃
騎將軍荊州牧封南昌侯

是歲奉魏正朔

辛丑

〔魏〕二年八月孫權遣使奉表并送于禁等還
十一月遣使拜權爲大將軍封吳王加九錫

〔漢〕昭烈帝章武元年四月卽帝位七月親征
孫權

〔吳〕四月徙都武昌七月漢軍來伐遣陸遜等
禦之十一月魏封權爲吳王

壬寅

〔魏〕三年正月幸許昌十月以孫權逆命自許
昌南征十一月至宛

〔漢〕二年六月敗績于猇亭八月收兵還巫十
月吳遣使請和許之遣太中大夫宗瑋報命

十二月漢嘉太守黃元反

〔吳〕大帝黃武元年自正月至閏六月遜等大
破漢兵漢主引還魏遣使徵任子權不遣九
月魏將曹休等三道來伐十月權遂改元臨

江拒守

癸卯

〔魏〕四年三月還洛陽十月幸許昌
〔漢〕三年三月元平四月帝殂於永安宮太子
禪卽位改是年爲建興元年牂柯太守朱褒

反遣尙書郎鄧芝聘吳
〔吳〕二年三月魏軍退六月將軍賀齊等破魏
斬春獲其太守督宗

甲辰

〔魏〕五年三月還洛陽七月幸許昌八月御舟
師幸壽春九月至廣陵十月還許昌

〔漢〕後主建興二年是歲務農殖穀閉關息民
〔吳〕三年夏遣中郎將張溫聘漢九月魏主來
伐至廣陵臨江而還

乙巳

〔魏〕六年三月御舟師東征五月至譙八月自
渦入淮從陸道幸徐十月至廣陵天寒水凍
舟不得入江乃還

〔漢〕三年三月丞相亮征南中四郡皆平十二
月還成都

〔吳〕四年十月魏主復來伐權兵廣陵而還十
二月鄱陽賊彭綺反攻沒數縣

丙午

〔魏〕七年正月還洛陽五月殂太子叡卽位八

月吳諸葛瑾寇襄陽司馬懿拒破之

〔漢〕四年

〔吳〕五年七月遣將侵魏江夏圍石陽不克還
東安太守全琮討山越

丁未

〔魏〕明帝太和元年正月西平人麴英反將軍
郝昭討斬之十二月新城太守孟達反命司
馬懿討之

馬懿討之

〔漢〕五年三月丞相亮大舉伐魏出屯漢中

〔吳〕六年正月綺平

戊申

〔魏〕二年正月新城破斬達漢諸葛亮來伐天
水南安安定三郡吏民叛應之將軍張郃敗
亮於街亭三郡平帝幸長安四月還洛陽

〔漢〕六年春亮出攻祁山不克冬復出散關圍
陳倉糧盡退斬魏追將王雙

〔吳〕七年五月鄱陽太守周魴僞叛誘魏將曹
休八月將軍陸遜大破休於石亭

己酉

〔魏〕三年
〔漢〕七年春遣將克武都陰平二郡四月孫權
稱帝遣使約中分天下

〔吳〕黃龍元年四月卽帝位七月漢使衛尉陳
震來賀遂與盟誓期共滅魏九月還都建業

庚戌

〔魏〕四年七月命曹真司馬懿伐漢八月東巡至許昌九月詔真等旋師十月還洛陽

〔漢〕八年秋魏將司馬懿等寇漢中大雨引還魏延破魏軍於陽谿

〔吳〕二年遣將衛溫諸葛直率軍浮海求夷洲

辛亥

〔魏〕五年三月漢師侵天水道司馬懿拒之

〔漢〕九年二月亮復出軍圍祁山懿等來救六月糧盡退殺其追將張郃

〔吳〕三年二月遣太常潘濬討武陵蠻溫等遠詔無功下獄誅

壬子

〔魏〕六年三月東巡四月至許昌九月幸摩陂十二月還許昌

〔漢〕十年亮休士勸農作流馬木牛訓兵講武

〔吳〕嘉禾元年三月遣將周賀等浮海之遼東通公孫淵九月魏將田豫邀殺之十月淵遣使來稱藩

癸丑

〔魏〕青龍元年六月并州鮮卑叛殺將軍蘇尚董弼遣將軍秦朗討之寇走漠北九月安定保塞匈奴叛討破之

〔漢〕十一年冬遣軍運米於斜谷治邸閣是歲南夷劉胄反將軍馬忠討平之

〔吳〕二年三月淵使還遣太常張彌等率軍賈九錫備物浮海授淵斬使者送首於魏是

甲寅

歲親征合肥新城遣將全琮侵六安皆不克之六月吳師來伐七月帝東征幸壽春八月還許昌

〔漢〕十二年二月亮由斜谷出軍營於渭濱八月亮卒將軍吳懿鎮漢中尚書令蔣統國

〔吳〕三年五月遣陸遜等屯江夏孫韶等向廣陵親督大軍圍合肥新城聞魏主來救引還十一月武陵蠻平

乙卯

〔魏〕三年八月還洛陽十二月幸許昌

〔漢〕十三年四月琬進位大將軍

〔吳〕四年夏遣呂岱討廬陵賊李恆羅厲魏遣使以馬易珍寶

丙辰

〔魏〕四年十月還洛陽十二月幸許昌

〔漢〕十四年

〔吳〕五年二月廬陵賊平十月鄱陽賊彭旦等反

丁巳

〔魏〕景初元年五月還洛陽七月吳將朱然圍江夏不克還公孫淵反自稱燕王改元紹漢

〔漢〕十五年

〔吳〕六年二月陸遜討鄱陽賊平之十月全琮襲六安不克諸葛恪平山越

戊午

〔魏〕二年正月命司馬懿討公孫淵八月大破淵於襄平斬淵遼東平十二月以曹爽爲大將軍

〔漢〕延熙元年十一月大將軍琬出鎮漢中

〔吳〕赤烏元年夏呂岱平廬陵餘賊還鎮夏口

〔魏〕三年正月帝殂太子芳即位

〔漢〕二年三月琬進位大司馬

〔吳〕二年三月遣將羊道等浮海侵魏遼東虜獲而還十月將軍蔣祿南討蠻賊部將廖式殺臨賀太守反遣呂岱等討之

庚申

〔魏〕廢帝正始元年

〔漢〕三年春命越嶲太守張嶷平定越嶲郡

〔吳〕三年賊平岱還武昌

辛酉

〔魏〕二年

〔漢〕四年

〔吳〕四年四月遣全琮略淮南諸葛恪攻六安朱然圍樊諸葛瑾取柵中琮與魏將王淩戰於芍陂敗績五月司馬懿救樊軍還

壬戌

〔魏〕三年

〔漢〕五年

〔吳〕五年七月遣將聶友等討珠崖儋耳

癸亥

〔魏〕四年

〔漢〕六年十月琬自漢中移鎮浩十一月尙書

令費禕爲大將軍

〔吳〕六年正月諸葛恪侵六安破魏將謝順營
已司馬懿入舒恪自皖遷於柴桑

甲子

〔魏〕五年二月曹爽率師伐漢五月還

〔漢〕七年閏二月魏將曹爽等寇漢中裨督軍
往救寇引退九月裨還成都

〔吳〕七年

乙丑

〔魏〕六年

〔漢〕八年十二月裨至漢中閱軍屯

〔吳〕八年七月征西將軍馬茂等謀逆夷三族

丙寅

〔魏〕七年二月幽州刺史毌丘儉討高句驪五
月討濊貊皆破之

〔漢〕九年六月裨還成都十一月琬卒

〔吳〕九年二月朱然侵柵中斬獲而還

丁卯

〔魏〕八年

〔漢〕十年汶山平康夷反將軍姜維破平之

〔吳〕十年

戊辰

〔魏〕九年

〔漢〕十一年五月裨出鎮漢中秋涪陵屬國民
夷反將軍鄧芝討平之

〔吳〕十一年

己巳

〔魏〕嘉平元年正月司馬懿殺曹爽

〔漢〕十二年秋維攻魏雍州不克還

〔吳〕十二年

庚午

〔魏〕二年十二月將軍王昶渡江襲吳破之

〔漢〕十三年維復出西平不克還

〔吳〕十三年十二月魏將王昶圍南郡王基攻
西陵遣將軍戴烈等拒之皆引退

辛未

〔魏〕三年四月太尉王凌據壽春謀立楚王彪
詔司馬懿討之五月凌自殺七月懿卒子師
代爲大將軍

〔漢〕十四年夏裨還成都冬復出屯漢壽

〔吳〕太和元年

壬申

〔魏〕四年十一月詔將軍王昶胡遵毌丘儉等
大舉伐吳十二月敗績於東興

〔漢〕十五年

〔吳〕二年四月帝殂太子亮即位改元建興十
月諸葛恪城東興十二月魏將諸葛誕等來
爭敗績

癸酉

〔魏〕五年五月命太尉司馬孚拒吳將諸葛恪
於合肥新城

〔漢〕十六年正月裨爲賊所殺四月維復圍南
安不克還

〔吳〕廢帝建興二年三月恪復侵魏圍新城大
疫士馬死者大半八月引還十月爲孫峻所
殺拜峻丞相統朝政

甲戌

〔魏〕六年九月司馬師廢其主芳立高貴鄉公
髦改是年爲正元元年

〔漢〕十七年正月維還成都六月復出隴西冬
拔狄道河間臨洮三縣民而還

〔吳〕五鳳元年

乙亥

〔魏〕少帝正元二年正月鎮東將軍毌丘儉揚
州刺史文欽舉兵討司馬師不克儉死欽奔
吳閏月師死弟昭代爲大將軍

〔漢〕十八年春維還成都夏復出狄道大破魏
將王經於洮西

〔吳〕二年閏正月峻率師襲壽春至臺泉魏將
文欽來降大獲而還二月敗魏將曹珍於高
亭三月朱異襲安豐不克

丙子

〔魏〕甘露元年七月漢師來伐敗還

〔漢〕十九年春維進位大將軍八月魏將鄧艾
大破維於上邽維退還成都

〔吳〕太平元年二月峻遣文欽呂據等五將軍
率師自江都入淮泗九月峻死從弟綝代督
中外諸軍事召欽等還據謀討綝不克被殺

丁丑

〔魏〕二年五月司空諸葛誕據壽春謀討司馬
昭昭奉帝東征六月帝駐項昭率師進圍壽
春

〔漢〕二十年秋維復出略谷

〔吳〕二年五月魏諸葛誕遣使稱臣乞援兵命

文欽唐咨全端等應之七月孫綝率師救壽春次於饒里九月還都

戊寅

〔魏〕三年二月壽春破斬誕

〔漢〕景耀元年維還成都宦官黃皓始專政

〔吳〕三年七月帝謀殺綝不克被廢立其兄休

改是年爲永安元年十二年綝伏誅

己卯

〔魏〕四年

〔漢〕二年

〔吳〕景帝永安二年

庚辰

〔魏〕五年五月帝親討司馬昭不克被弑六月

立常道鄉公璜改是年爲景元元年

〔漢〕三年

〔吳〕三年

辛巳

〔魏〕末帝景元二年

〔漢〕四年

〔吳〕四年

壬午

〔魏〕三年十月漢師來伐敗還

〔漢〕五年維復出侯和爲鄧艾所破還屯沓中

〔吳〕五年

癸未

〔魏〕四年五月命鄧艾鍾會率師伐漢十月司

馬昭進位相國封晉公加九錫十一月漢主

禪出降

〔漢〕炎興元年夏魏大舉來伐十一月禪出降國亡凡立國四十三年

〔吳〕六年五月交趾郡吏呂興反十月以魏師

伐漢遣將軍丁奉留平丁封等分道侵魏以

救漢聞漢亡兵還

甲申

〔魏〕咸熙元年正月幸長安鍾會反於蜀旋被

殺三月司馬昭進爵爲王

〔吳〕孫皓元興元年二月遣將軍陸抗等率師

圍漢巴東郡守羅憲魏使胡烈侵西陵以救

憲抗等乃還七月帝殂兄子皓立改元

乙酉

〔魏〕二年四月吳遣紀陟弘璆來聘八月司馬

昭死子炎襲晉王位十二月禪位於晉魏亡

凡立國四十六年

〔吳〕甘露元年九月遷都武昌是歲魏禪位於

晉至晉武帝太康元年始爲晉所滅凡立國

五十九年

三國紀年表

清周嘉猷撰

庚子

〔漢〕獻帝建安二十五年○正月丞相冀州牧魏王曹操還至洛陽卒太子丕立自爲丞相冀州牧

〔魏〕文帝曹丕黃初元年○十月魏王曹丕稱皇帝廢帝爲山陽公

〔吳〕

辛丑

〔漢〕昭烈帝章武元年○四月漢中王卽皇帝位五月立夫人吳氏爲皇后子禪爲皇太子

〔魏〕二年○六月殺夫人甄氏

〔吳〕八月孫權遣使降魏魏封權爲吳王十一月孫權立子登爲太子

壬寅

〔魏〕三年○九月立貴嬪郭氏爲后

〔吳〕大帝孫權黃武元年○十月吳王權改元拒魏

癸卯

〔漢〕三年○帝禪建興元年○四月帝崩于永安丞相亮受遺詔輔政五月太子禪卽位尊皇后曰皇太后封亮爲武鄉侯領益州牧八月立皇后張氏

丙午

〔魏〕七年○五月魏主丕卒子叡立追諡甄夫

人曰文昭皇后

丁未

〔魏〕明帝曹叡太和元年○十二月立貴嬪毛氏爲后

己酉

〔吳〕黃龍元年○四月吳王孫權稱皇帝

壬子

〔吳〕嘉禾元年

癸丑

〔魏〕青龍元年

甲寅

〔漢〕十二年○八月丞相武鄉侯諸葛亮卒于軍諡曰忠武

〔魏〕二年○三月山陽公卒諡孝獻皇帝

乙卯

〔魏〕三年○八月立子芳爲齊王詢爲秦王

丁巳

〔漢〕十五年○七月皇后張氏崩

〔魏〕景初元年○九月魏主叡殺其后毛氏

戊午

〔漢〕延熙元年○二月立貴人張氏爲皇后立子璿爲皇太子

子璿爲皇太子

〔魏〕二年○十二月魏主叡有疾立郭夫人爲后召司馬懿入朝以曹爽爲大將軍

〔吳〕赤烏元年

己未

〔魏〕三年○正月司馬懿至洛陽與爽受遺詔輔政魏主叡卒太子芳立

庚申

〔魏〕魏主曹芳正始元年

辛酉

〔吳〕四年○五月太子登卒

壬戌

〔吳〕五年○正月立子和爲太子霸爲魯王

甲子

〔漢〕延熙七年

〔魏〕正始五年

〔吳〕赤烏七年

己巳

〔魏〕嘉平元年○正月司馬懿殺曹爽及何晏等夷其族以司馬懿爲丞相加九錫不受

庚午

〔吳〕十三年○秋廢其太子和殺魯王霸及將軍朱據十一月立子亮爲太子

辛未

〔魏〕三年○司馬懿殺王凌及楚王曹彪遂置諸王公子鄴八月太傅司馬懿卒以其子師爲撫軍大將軍錄尚書事

〔吳〕太元元年
壬申

〔魏〕四年○正月司馬師自爲大將軍

〔吳〕吳主孫亮建興元年○正月立故太子和爲南陽王四月吳主權卒太子亮立以諸葛恪爲太傅

甲戌

〔魏〕魏主曹髦正元元年○二月司馬師殺中書令李豐及太常夏侯玄光祿大夫張緝遂廢其後張氏九月司馬師廢其主芳爲齊王遷之河內十月迎高貴鄉公髦立之

〔吳〕五鳳元年

乙亥

〔魏〕二年○正月大將軍司馬師卒弟昭自爲大將軍錄尚書事

丙子

〔魏〕甘露元年○四月司馬昭始服袞冕赤舄八月司馬昭自爲大都督奏事不名假黃鉞

〔吳〕太平元年

戊寅

〔漢〕景耀元年

〔魏〕三年○五月司馬昭自爲相國封晉公加九錫復辭不受

〔吳〕景帝孫休永安元年○九月孫綝廢其主亮爲會稽王十月迎立琅邪王休休以綝爲丞相封兄子皓爲烏程侯十二月孫綝伏誅

〔魏〕元帝曹奐景元元年○五月司馬昭弑其

主髦於南閣下尙書王經死之六月魏主奐立

〔吳〕三年○六月會稽王亮自殺

壬午

〔吳〕五年○八月立子章（音灣）爲太子

癸未

〔漢〕炎興元年○十月鄧艾至成都帝出降皇子北地王懿死之漢亡

〔魏〕四年○十月司馬昭始稱相國晉公受九錫

甲申

〔魏〕咸熙元年○正月以檻車徵鄧艾鍾會謀反伏誅監軍衛瓘襲艾殺之三月晉公昭進爵爲王廢故漢帝禪爲安樂公八月晉王昭以其子中撫軍炎爲副相國十月立爲晉世子

〔吳〕吳主孫皓元興元年○七月吳王休殂烏程侯皓立

乙酉

〔晉〕魏咸熙二年○晉世祖武帝司馬炎泰始元年○五月魏晉王昭號其妃曰后世子曰太子八月昭卒太子炎嗣十二月晉王炎稱皇帝廢魏主爲陳留王

〔吳〕甘露元年○七月吳主殺景后及其二子

丙戌

〔吳〕寶鼎元年

丁亥

〔晉〕三年○正月立子衷爲太子

己丑

〔吳〕建衡元年

辛卯

〔晉〕七年○十一月安樂公劉禪卒

壬辰

〔晉〕八年○二月太子衷納妃賈氏

〔吳〕鳳皇元年

甲午

〔晉〕十年○七月后楊氏卒邵陵公曹芳卒

乙未

〔晉〕咸寧元年

〔吳〕天冊元年

丙申

〔晉〕二年○十月立后楊氏以后父駿爲車騎將軍

〔吳〕天璽元年

丁酉

〔吳〕天紀元年

己亥

〔晉〕五年○十一月大舉兵分道伐吳

庚子

〔晉〕太康元年○春諸軍並進吳丞相張悌迎戰死之三月龍驤將軍王濬以舟師入石頭吳主皓出降四月賜孫皓爵歸命侯

癸卯

〔晉〕四年○冬歸命侯孫皓卒

庚戌

〔晉〕十一年○孝惠帝永熙元年四月以楊駿爲太尉輔政帝崩太子衷即位尊皇后曰皇太后立皇后賈氏